

## Universitätsbibliothek Paderborn

**Svmma Totivs Theologiæ S. Thomæ Aqvinatis, Doctoris  
Angelici Ordinis Prædicatorum**

Tertiæ Partis Volumen Secundum

**Thomas <von Aquin, Heiliger>**

**Romae, 1619**

Quomodo se habuisset Christus sub hoc sacramento, si fuisset in triduo  
mortis reseruatu[m] aut consecratum? 4

**urn:nbn:de:hbz:466:1-38725**

nec ipsum corpus Christi, quod in specie sacramenti dabatur, impassibile erat. Impassibili tamen modo erat sub specie sacramenti, quod in te erat passibile: sicut inuisibiliter quod in se erat visible. Sicut enim visio requirit contactum corporis, quod videtur, ad circumstans mediū visionis; ita passio requirit contactum corporis, quod patitur ad ea quæ agunt. Corpus autem Christi, secundum quod est sub sacramento (ut supra dictum<sup>est</sup>) non comparatur ad ea quæ circumstant, mediantibus proprijs dimensionibus quibus corpora se tangunt; sed mediantibus dimensionibus specierū panis & vini. Et ideo species illæ sunt, quæ patiuntur & videntur, non autem ipsum corpus Christi.

Ad primum ergo dicendum, quod Christus dicitur in cena nō dedit corpus suum mortale & passibile: quia non dedit mortali & passibili modo. Cuius autem fecit carnē Christi aptam mandationi, in quantum hoc sacramentum repræsentat passionem Christi.

Ad secundum dicendum, quod ratio illa procederet, si corpus Christi sicut erat passibile; ita passibili modo fuisset sub sacramento.

Ad tertium dicendum, quod (sicut supra dictum<sup>est</sup>) accidentia corporis Christi sunt in sacramento ex reali concomitantia, non autem ex vi sacramenti, ex qua est ibi substantia corporis Christi. Et ideo virtus verborum sacramentalium ad hoc se extendit, ut sit sub sacramento corpus Christi, scilicet quibuscumque accidentibus realiter in eo existentibus.

## ARTIC. IV.

*Vitrum si hoc sacramentum tempore mortis Christi fuisset seruatum vel consecratum, ibi moreretur?*

**A**d quartū sic proceditur. Videtur, quod si hoc sacramentum tempore mortis Christi fuisset seruatū in pixide, vel ab aliquo Apostolorū cōsecreratū nō ibi moreretur. Mors enim Christi accidit per eius passionem. Sed Christus impassibili modo etiā tūc erat in hoc sacramento. Ergo non poterat mori in hoc sacramento.

¶ 2 Pra-

¶ 2 Præterea, In morte Christi separatus fuit sanguis eius à corpore. Sed in hoc sacramento simul est corpus Christi & sanguis. Ergo Christus in hoc sacramento non moreretur.

¶ 3 Præterea, Mors accidit per separationem animæ à corpore. Sed in hoc sacramento continetur tam corpus, quam anima Christi. Ergo in hoc sacramento non poterat Christus mori.

SED contra est, quod idem Christus, qui erat in cruce, fuisset in sacramento. Sed in cruce moriebatur, Ergo & in sacramento conseruato moreretur.

RESPONDEO dicendum, q[uod] corpus Christi idem in substâlia est in hoc sacramento & in propria specie, sed non eodem modo. Nam in propria specie continet circumstantia corpora per proprias dimensiones, non autem prout est in hoc sacramento: ut supra dictum est\*. Et ideo quicquid pertinet ad Christum secundum quod in se est, potest attribui ei & in propria specie, & in sacramento existenti: sicut vivere, mori, dolere, animarum vel inanimatum esse, & cetera huiusmodi. Quæcumque verò conueniunt ei per comparationem ad corpora extrinseca, possunt ei attribui in propria specie existenti: non autem prout est in sacramento; sicut irrideri, conspici, crucifigi, flagellari, & cetera huiusmodi. Vnde & quidam metriter dixerunt. Pixide seruato poteris sociare dolorem innatum, sed non illatus conuenit illi.

Ad primum ergo dicendum, quod (sicut dictum est\*) passio conuenit corpori passo per comparationem ad agens extrinsecum. Et ideo Christus, secundum quod est sub hoc sacramento, pati non potest, potest tamen mori.

Ad secundum dicendum, quod (sicut supra dictum est\*) sub specie panis est corpus Christi ex vi conerationis: sanguis autem sub specie vini. Sed nunc quidem, quando realiter sanguis Christi non est separatus ab eius corpore, ex reali concomitantia & sanguis Christi est sub specie panis simul cum corpore, & cor-

*a præc et  
9.76. a. 4  
5 C. 6.*

*in corpo-  
re art.*

*9.76 a. II  
ad 1.*

*pus*

pus sub specie vini simul cum sanguine. Sed si tempore passionis Christi, quando realiter sanguis fuit separatus à corpore Christi, fuisset hoc sacramentum consecratum: sub specie panis fuisset solum corpus, & sub specie vini fuisset solum sanguis.

*in solut.  
præc. O  
deo ibi  
citato.*

Ad tertium dicendum, quod (sicut supra dictum est<sup>4</sup>) anima Christi est in hoc sacramento ex reali concomitantia, quia non est sine corpore: non autem ex vi consecrationis. Et ideo si tunc fuisset hoc sacramentum consecratum vel peractum, quando anima erat à corpore realiter separata, non fuisset anima Christi sub hoc sacramento: non propter defectum virtutis verborum, sed propter aliam dispositionem rei.

Q VÆ S T. L X X I I.

*De ministro huius sacramenti, in decem articulos diuisa.*

D EINDE considerandum est de ministro huius sacramenti.

- ¶ Et circa hoc quaeruntur decem.
- ¶ Primo, utrum consecrare hoc sacramentum sit proprium sacerdotis?
- ¶ Secundo, utrum plures sacerdotes simul possint eamdem hostiam consecrare?
- ¶ Tertio, utrum dispensatio huius sacramenti pertineat ad solum sacerdotem?
- ¶ Quarto, utrum liceat sacerdoti consecranti à communione abstinere?
- ¶ Quinto, utrum sacerdos peccator possit confidere hoc sacramentum?
- ¶ Sexto, utrum missa mali sacerdotis minus valeat, quam boni?
- ¶ Septimo, utrum haeretici, schismatici, vel excommunicati possint confidere hoc sacramentum?
- ¶ Octavo, utrum degradari?
- ¶ Nono, utrum peccent à talibus communionem recipientes?
- ¶ Decimo, utrum liceat sacerdoti omnino à celebratione abstinere?

A R.